



PERDANA  
LEADERSHIP  
FOUNDATION  
YAYASAN  
KEPIMPINAN  
PERDANA

PERDANA LIBRARY  
PERDANA LEADERSHIP FOUNDATION  
NEWSPAPER CLIPPING

Newspaper	BERITA HARIAN
Date	29/3/2012

# MTUC minta PM bantu selesai isu kesatuan

BH - 29/3/2012

**K**UALA LUMPUR: Kongres Kesatuan Sekerja Malaysia (MTUC) yang mewakili lebih 500,000 pekerja sektor swasta di negara ini, sekali lagi menyatakan hasratnya untuk bertemu Datuk Seri Najib Razak meminta jasa baik Perdana Menteri menyelesaikan beberapa isu berbangkit berkaitan pekerja dan kesatuan sekerja.

Setiausaha Kewangannya, Awang Ibrahim berkata, untuk tujuan itu, MTUC akan mengadakan satu per-

himpunan aman secara besar-besaran di Putrajaya pada 13 April ini.

“MTUC sebelum ini merancang untuk mengadakan piket di depan Kementerian Sumber Manusia di Putrajaya, tetapi kita membuat keputusan untuk mengubah lokasinya kerana sebelum ini MTUC sudah membuat ketetapan hilang keyakinan terhadap Menteri Sumber Manusia, Datuk Seri Dr S Subramaniam.

“Oleh demikian, kita merasakan

tiada gunanya kita membuat piket di depan kementerian terbabit dan kini MTUC mahu berjumpa Perdana Menteri untuk menyampaikan kepada beliau beberapa perkara penting,” katanya kepada *Berita Harian*, semalam.

Awang berkata, Setiausaha Agung, Abdul Halim Mansor akan memaklumkan perhimpunan berkenaan kepada lebih 140 kesatuan gabungan dalam tempoh terdekat ini.